

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U SREBRENIKU  
Broj: 30-0-Su-26-000 206  
Datum: 17.04.2026. godine

Na osnovu člana 46. Zakona o sudovima u Federaciji Bosne i Hercegovine (Službene novine Federacije BiH, broj: 38/05, 22/06, 63/10, 72/10, 7/13, 52/14 i 85/21), člana 48. Zakona o državnoj službi u Tuzlanskom kantonu (Službene novine Tuzlanskog kantona, broj: 11/24 – prečišćeni tekst), člana 34. Zakona o radu Federacije Bosne i Hercegovine (Službene novine Federacije BiH, broj: 26/16, 89/18, 23/20, 49/21, 103/21, 44/22 i 39/24), a u vezi sa Odlukom Vlade Tuzlanskog kantona o utvrđivanju broja pripravnika – volontera u pravosudnim institucijama na području Tuzlanskog kantona broj: 02/1-11-22066/22 od 11.10.2022. godine i članova 15. i 16. Pravilnika o unutrašnjoj organizaciji i sistematizaciji radnih mjesta u Općinskom sudu u Srebreniku, predsjednik Općinskog suda u Srebreniku, raspisuje:

JAVNI POZIV  
ZA PRIJEM 2 ( DVA ) PRIPRAVNIKA – VOLONTERA U OPĆINSKOM SUDU U  
SREBRENIKU

I

Raspisuje se Javni poziv za prijem 2 (dva) diplomirana pravnik u svojstvu pripravnika - volontera (u daljem tekstu: pripravnik - volonter) u Općinskom sudu u Srebreniku, na period do 1 (jedne) godine uz mogućnost produženja za još jednu godinu, bez zasnivanja radnog odnosa, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

II

Volonter ima pravo na naknadu shodno članu 39. stav 1. tačka a). Zakona o plaćama i naknadama u organima vlasti Tuzlanskog kantona (Službene novine Tuzlanskog kantona, broj: 2/25).

Međusobna prava i obaveze između pripravnika - volontera i Općinskog suda u Srebreniku, uređuju se ugovorom.

Po završetku stručnog osposobljavanja sud će pripravniku – volonteru izdati potvrdu/uvjerenje o obavljenom stručnom osposobljavanju. Nakon proteka stručnog osposobljavanja sud se ne obvezuje zadržati pripravnika - volontera u stalnom radnom odnosu.

III

Svi kandidati treba da ispunjavaju opće uslove za rad u pravosudnim institucijama i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

#### IV

Pored općih uslova, kandidati trebaju da ispunjavaju i poseban uslov i to:

- da je diplomirani pravnik, Visoke stručne spreme - VII stepen ili da ima visoko obrazovanje prvog, drugog ili trećeg ciklusa Bolonjskog sistema studiranja - pravne struke koji je vrednovan sa najmanje 240 ECTS bodova.

#### V

Uz prijavu je potrebno priložiti, u originalu ili ovjerenoj fotokopiji, sljedeće dokaze:

- diplomu o završenom fakultetu,
- potvrdu o prebivalištu,
- prosjek ocjena završenog studija (uvjerenje od fakulteta),
- dokaz o dužini trajanja nezaposlenosti (uvjerenje nadležne Službe za zapošljavanje),
- dokaz o sudjelovanju jednog ili oba roditelja u odbrambenom ratu (uvjerenje nadležnog organa).

Kandidati koji budu izabrani za pripravnike - volontere, uvjerenje o zdravstvenoj sposobnosti moraju dostaviti sudu, najkasnije do zaključivanja Ugovora o stručnom osposobljavanju.

#### VI

Odabir kandidata za stručno osposobljavanje vršit će se na osnovu kriterija dužine trajanja nezaposlenosti nakon završenog fakulteta i prosjeka ocjena završenog studija.

U slučaju da kandidati imaju isti broj bodova, prednost imaju članovi porodice šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica (Službene novine Tuzlanskog kantona, broj: 5/12, 5/14, 12/16, 6/20, 10/20, 14/22, 9/23, 5/24 i 13/24).


#### VII

Prijave sa navedenom dokumentacijom kojom se dokazuje, da kandidat ispunjava opće i posebne uslove dostavljaju se Općinskom sudu u Srebreniku, Radnička bb, 75 350 Srebrenik, putem pošte ili neposredno u prijemnoj kancelariji suda, u zatvorenoj koverti, sa naznakom „za Javni poziv za prijem pripravnika – volontera u Općinskom sudu u Srebreniku – ne otvarati“, u roku od 15 dana od dana posljednjeg objavljivanja poziva.

Javni poziv će biti objavljen na oglasnoj table i web stranici Općinskog suda u Srebreniku, te oglasnoj table Službe za zapošljavanje Tuzlanskog kantona – Biro Srebrenik.

Nepotpune i neblagovremene prijave neće biti uzete u razmatranje. O rezultatima Javnog poziva kandidati će biti pismeno obaviješteni.

PREDSJEDNIK SUDA  
Muhamed Vejzović

The seal is circular and contains the text "OPĆINSKI SUD U SREBRENIKU" around the perimeter. In the center, there is a coat of arms of the Tuzla Canton. The seal is partially obscured by the signature and the text above it.